

BOSNA I HERCEGOVINA  
FEDERACIJA BOSNE I HERCEGOVINE  
ZENIČKO-DOBOJSKI KANTON  
GRAD ZENICA  
GRADSKO VIJEĆE

Broj: 01-45-1907/21

\*\*\*\*\*

**Z A P I S N I K  
S PETE SJEDNICE  
GRADSKOG VIJEĆA ZENICA**

**- održane 28. januara 2021. godine -**

\*\*\*\*\*

*Zenica, januar 2021. godine*

### **Zapisnik s 5. sjednice Gradskog vijeća Zenica, održane 28.01.2021. godine**

Sjednica je počela s radom u 10.11 sati.

Sjednicom je predsjedavao Almir Babajić, predsjedavajući Gradskog vijeća Zenica.

Na početku sjednice predsjedavajući Vijeća konstatovao je da sjednici prisustvuje 29 vijećnika, te da Vijeće može punovažno odlučivati. Odsustvo sa današnje sjednice najavio je vijećnik Osman Šuvalić iz zdravstvenih razloga.

Prije prelaska na utvrđivanje prijedloga dnevnog reda novoizabrani vijećnici Kluba vijećnika SDA Namir Škaljo i Zeldi Dizdarević pročitali su i potpisali tekst svečane izjave čime su preuzeli dužnost vijećnika u Gradskom vijeću Zenica.

Na molbu predsjedavajućeg Vijeća vijećnici i ostali prisutni su zatim ustali i podizanjem lista papira na kojem je pisalo #nisisama priključili se kampanji „Stop nasilju nad ženama“. Nakon toga, uslijedilo je zajedničko fotografisanje. Predsjedavajući Vijeća istakao je da je grad Zenica prvi grad koji je institucionalno podržao ovakav vid kampanje.

Za današnju sjednicu predložen je sljedeći dnevni red:

1. Zapisnik sa 4. sjednice Gradskog vijeća Zenica, održane dana 11.01.2021. godine
2. Vijećnička pitanja i inicijative
3. Informacija o projektu „Plava voda“
4. Nacrt Plana upravljanja otpadom na području Grada Zenica za period 2019.-2028. godine
5. Izvještaj o radu JU Gradska biblioteka Zenica u 2019. godini
6. Izvještaj o radu JU Muzej Grada Zenice u 2019. godini
7. Izvještaj o radu JU Bosansko narodno pozorište Zenica za 2019. godinu
8. Izvještaj o radu JU Predškolski odgoj i obrazovanje Zenica za 2019. godinu
9. Izvještaj o radu JU Dom zdravlja Zenica za 2019. godinu
10. a) Izvještaj o radu JU Apoteka „Zdravlje“ Zenica za 2019. godinu  
b) Izvještaj Ureda za reviziju institucija u Federaciji BiH o finansijskoj reviziji JU Apoteka „Zdravlje“ Zenica
11. Izvještaj o radu i poslovanju JP za upravljanje i održavanje sportskih objekata d.o.o. Zenica za period 01.01.-31.12.2019. godine
12. Izvještaj o radu i poslovanju JP „RTV Zenica“ d.o.o. Zenica za 2019. godinu
13. Nacrt Odluke o organizovanju i funkcionisanju zaštite od požara i vatrogastva na području Grada Zenica
14. Prijedlog Odluke o pristupanju izmjenama i dopunama Regulacionog plana „Mokušnice“ (skraćeni postupak)
15. Inicijativa za pokretanje procedure za proglašenje Parka prirode Babino-Tvrtkovac
16. Prijedlog Zaključka o poništenju tačke 3. člana I Zaključka o preuzimanju dijela gradskog građevinskog zemljišta broj: 01-23-26317/00-1 od 06.11.2000. godine
17. Prijedlog Rješenja o imenovanju Gradskog pravobranioca u Gradskom pravobranilaštvu Zenica
18. Prijedlog Rješenja o utvrđivanju prava vlasništva na građevinskom zemljištu na kojem je izgrađena zgrada bez prava korištenja radi građenja K.O. Zenica I u korist Pivić Nihade
19. Prijedlog Odluke o promjeni statusa Javnog dobra u K.O. Stranjani
20. Prijedlog Odluke o izmjenama i dopuni Odluke o pristupanju izradi Urbanističkog plana općine Zenica za period 2014.-2034. godine
21. Prijedlog Odluke o utvrđivanju javnog interesa za izgradnju lokalnog puta Briznik – Mošćanica



Za današnju sjednicu predložene su sljedeće dopune prijedloga dnevnog reda:

1. Nacrt Programa rada Gradskog vijeća za period 01.01.-31.12.2021. godine
2. Prijedlog Rješenja o imenovanju Drugostepene komisije za rješavanje po žalbi protiv rješenja u prvostepenom upravnom postupku
3. Prijedlog Zaključka o izmjeni Zaključka o osnivanju skloništa za životinje za teritoriju Grada Zenica
4. Prijedlog Odluke o izmjenama Odluke o plaćama i naknadama plaća zaposlenika gradskih organa Zenica

Gradonačelnik je predložio da se zamijeni redoslijed tačaka 3. i 4., a zatim povukao tačku 15. - Inicijativu za pokretanje procedure za proglašenje Parka prirode Babino-Tvrtkovac, radi dorade.

Uvažen je prijedlog Komisije za propise da se zamijeni redoslijed tačaka 18. i 19.

Na traženje predsjedavajućeg Vijeća vijećnici su se glasanjem izjasili o prijedlozima za dopunu prijedloga dnevnog reda i iste usvojili sa 29 glasova „ZA“, bez glasova „PROTIV“ i bez glasova „UZDRŽAN“.

Predsjedavajući Vijeća zatim je pročitao konačan prijedlog dnevnog reda za 5. sjednicu Gradskog vijeća kako slijedi:

1. Zapisnik sa 4. sjednice Gradskog vijeća Zenica, održane 11.01.2021. godine
2. Vijećnička pitanja i inicijative
3. Nacrt Plana upravljanja otpadom na području Grada Zenica za period 2019.-2028. godine
4. Informacija o projektu „Plava voda“
5. Izvještaj o radu JU Gradska biblioteka Zenica u 2019. godini
6. Izvještaj o radu JU Muzej Grada Zenice u 2019. godini
7. Izvještaj o radu i poslovanju JU Bosansko narodno pozorište Zenica za 2019. godinu
8. Izvještaj o radu JU Predškolski odgoj i obrazovanje Zenica u 2019. godini
9. Izvještaj o radu JU Dom zdravlja Zenica za 2019. godinu
10. a) Izvještaj o radu JU Apoteka „Zdravlje“ Zenica za 2019. godinu  
b) Izvještaj Ureda za reviziju institucija u Federaciji BiH o finansijskoj reviziji JU Apoteka „Zdravlje“ Zenica
11. Izvještaj o radu i poslovanju JP za upravljanje i održavanje sportskih objekata d.o.o. Zenica za period 01.01.-31.12.2019. godine
12. Izvještaj o radu i poslovanju JP „RTV Zenica“ d.o.o. Zenica za 2019. godinu
13. Nacrt Odluke o organizovanju i funkcionisanju zaštite od požara i vatrogastva na području Grada Zenica
14. Prijedlog Odluke o pristupanju izmjenama i dopunama Regulacionog plana „Mokušnice“ (skraćeni postupak)
15. Prijedlog Zaključka o poništenju tačke 3. člana I Zaključka o preuzimanju dijela gradskog građevinskog zemljišta broj: 01-23-26317/00-1 od 06.11.2000. godine
16. Prijedlog Rješenja o imenovanju Gradskog pravobranioca u Gradskom pravobranilaštvu Zenica
17. Prijedlog Odluke o promjeni statusa Javnog dobra u K.O. Stranjani
18. Prijedlog Rješenja o utvrđivanju prava vlasništva na građevinskom zemljištu na kojem je izgrađena zgrada bez prava korištenja radi građenja K.O. Zenica I u korist Pivić Nihade
19. Prijedlog Odluke o izmjenama i dopuni Odluke o pristupanju izradi Urbanističkog plana općine Zenica za period 2014.-2034. godine
20. Prijedlog Odluke o utvrđivanju javnog interesa za izgradnju lokalnog puta Briznik – Mošćanica
21. Nacrt Programa rada Gradskog vijeća za period 01.01.-31.12.2021. godine

22. Prijedlog Rješenja o imenovanju Drugostepene komisije za rješavanje po žalbi protiv rješenja u prvostepenom upravnom postupku
23. Prijedlog Zaključka o izmjeni Zaključka o osnivanju skloništa za životinje za teritoriju Grada Zenica
24. Prijedlog Odluke o izmjenama Odluke o plaćama i naknadama plaća zaposlenika gradskih organa Zenica

Na traženje predsjedavajućeg Vijeća vijećnici su se izjasnili glasanjem o predloženom dnevnom redu i isti usvojili sa 28 glasova „ZA“, bez glasova „PROTIV“ i bez glasova „UZDRŽAN“.

#### **TAČKA PRVA**

##### **- Zapisnik sa 4. sjednice Gradskog vijeća Zenica, održane 11.01.2021. godine**

Zapisnik na koji nije bilo primjedbi usvojen je sa 28 glasova „ZA“, bez glasova „PROTIV“ i bez glasova „UZDRŽAN“.

#### **TAČKA DRUGA**

##### **- Vijećnička pitanja i inicijative**

Vijećnička pitanja postavili su i vijećničke inicijative podnijeli vijećnici: Sanjin Aldobašić, Ekrem Tuka, Kenan Uzunović, Mahdi Alić, Elvir Purić, Semir Huseinović, Alen Kapković, Elmin Šabanović, Denan Pašalić, Halil Arnaut, Kenan Alispahić, Malik Ejubović, Nermin Mehić, Elvis Alijagić, Vernes Menzilović, Šerif Patković, Emina Tufekčić, Aida Halać, Albin Čatić i Almir Babajić, predsjedavajući Vijeća.

Na vijećničko pitanje vijećnika Malika Ejubovića odgovorio je gradonačelnik.

U okviru ove tačke dnevnog reda gradonačelnik je upoznao da će u toku februara i početkom marta obići s resornim gradskim službama sve mjesne zajednice i uputio poziv građanima mjesnih zajednica da budu prisutni prilikom navedenih obilazaka, naglasivši da će kao i prošle biti popisani svi prioriteti. Gradonačelnik je čestitao vijećniku Semiru Huseinoviću na podnesenoj inicijativi za otkup viška poljoprivrednih proizvoda, te saopštio da će Gradska uprava iz Budžeta Grada Zenica opredijeliti 100.000,00 KM za otkup poljoprivrednih proizvoda na teritoriji Grada Zenica.

Napomena: Vijećnička pitanja i inicijative podneseni u pisanoj formi prosljeđuju se nadležnim gradskim službama i drugim subjektima putem dostavnih akata Stručne službe Gradskog vijeća, radi vjerodostojnosti postavljenog vijećničkog pitanja, odnosno podnesene inicijative.

Prije prelaska na tačku 3. dnevnog reda Predsjedavajući Vijeća je u 11.36 sati saopštio pauzu u trajanju pet minuta radi pripreme za prezentaciju Nacrta Plana upravljanja otpadom na području Grada Zenica za period 2019.-2028. godine, pa je sjednica nastavila s radom u 11.41 sati.

#### **TAČKA TREĆA**

##### **- Nacrt Plana upravljanja otpadom na području Grada Zenica za period 2019.-2028. godine**

Uvodne napomene za ovu tačku dnevnog reda dale su Jakuta Imširović, ispred Službe za ekologiju, komunalne i inspeksijske poslove i Snježana Savić, ispred Instituta za građevinarstvo „IG“ Banja Luka.

Izvještaj Komisije za prostorno planiranje i ekologiju dostavljen pred sjednicu vijećnicima je prezentovao Nermin Mehić, predsjednik Komisije.

U raspravi su učestvovali vijećnici: Malik Ejubović, Sanjin Aldobašić, Namir Škaljo, Ekrem Tuka, Emina Tufekčić, Elvir Purić, Mirza Husetić, Šerif Patković, Vernes Menzilović, Kenan Uzunović, Denan



Pašalić, Nermin Mehić i Almir Babajić, predsjedavajući Vijeća. Na pitanja vijećnika učesnika u raspravi odgovorila je Jakuta Imširović.

Predsjedavajući Vijeća postavio je pitanje vremenskog okvira 2019.-2028. godine budući da je 2021. godina i da navedeni vremenski okvir skraćuje trajanje Plana za dvije godine. Jakuta Imširović odgovorila je da nema smetnji da rok bude 2021.-2030. godina. Također, predložila je da se javna rasprava održi u trajanju 30 dana.

Po zaključenju rasprave, vijećnici su sa 26 glasova „ZA“, bez glasova „PROTIV“ i bez glasova „UZDRŽAN“ usvojili zaključak o utvrđivanju Nacrta Plana upravljanja otpadom za period 2019.-2028. godina uz predloženu korekciju vremenskog okvira navedenog planskog dokumenta.

#### **TAČKA ČETVRTA**

##### **- Informacija o projektu „Plava voda“**

Uvodne napomene dao je Ernad Granić, v.d. direktora JP RV „Plava voda“ d.o.o. Travnik.

U raspravi su učestvovali vijećnici: Kenan Uzunović, Nermin Mehić, Sanjin Aldobašić, Malik Ejubović, Vernes Menziloović, Namir Škaljo, Albin Čatić, Aida Halać, Semir Huseinović, Alen Kapković, Emina Tufekčić i Elmin Šabanović.

Ernad Granić, v.d. direktora JP RV „Plava voda“ d.o.o. Travnik, gradonačelnik Fuad Kasumović i Emir Pašalić, direktor JP „VIK“ d.o.o. Zenica učestvovali su u raspravi dajući određena pojašnjenja, odnosno odgovore na pitanja vijećnika.

U toku rasprave, na prijedlog vijećnika Šerifa Patkovića donesen je zaključak da Gradonačelnik, zajedno s predsjednicima klubova vijećnika, nezavisnim vijećnikom i vijećnicima Ekremom Tukom i Mahdijem Alićem, održi zajednički sastanak u vezi sa realizacijom Projekta „Plava voda“ s predstavnicima Vlade Zeničko-dobojskog kantona, resornog ministarstva i JP RV „Plava voda“.

Navedeni prijedlog zaključka vijećnika Šerifa Patkovića usvojen je sa 23 glasa „ZA“, bez glasova „PROTIV“ i sa 3 glasa „UZDRŽAN“.

U toku rasprave, na prijedlog Gradonačelnika donesen je zaključak kojim se, u slučaju da ne dođe do realizacije Projekta „Plava voda“, ovlašćuje Gradska uprava za poduzimanje svih aktivnosti u cilju zaštite sredstava direktno i indirektno uložених u realizaciju Projekta „Plava voda“ i podnošenje zahtjeva za naknadu štete od odgovornih institucija.

Navedeni prijedlog zaključka gradonačelnika usvojen je sa 26 glasova „ZA“, bez glasova „PROTIV“ i bez glasova „UZDRŽAN“.

#### **TAČKA PETA**

##### **- Izvještaj o radu JU Gradska biblioteka Zenica u 2019. godini**

Nije bilo potrebe za uvodnim napomenama.

Izvještaj Komisije za društvene djelatnosti, boračko-invalidsku i socijalnu zaštitu dostavljen je pred sjednicu.

U raspravi o ovoj tački dnevnog reda učestvovali su vijećnici: Elvir Purić, Nermin Mehić i Kenan Uzunović. U raspravi je učestvovao Haris Abdagić, direktor JU Gradska biblioteka Zenica koji je predložio da se ovoj javnoj ustanovi do iznalaženja trajnog rješenja problema prostornog kapaciteta dodijeli na korištenje prostor u Centru Grada.

Po zaključenju rasprave, vijećnici su 26 glasova „ZA“, bez glasova „PROTIV“ i bez glasova „UZDRŽAN“ usvojili Izvještaj o radu JU Gradska biblioteka Zenica u 2019. godini.

#### **TAČKA ŠESTA**

##### **- Izvještaj o radu JU Muzej Grada Zenice u 2019. godini**

Nije bilo potrebe za uvodnim napomenama.

Izveštaj Komisije za društvene djelatnosti, boračko-invalidsku i socijalnu zaštitu dostavljen je pred sjednicu. U raspravi su učestvovali vijećnici Vernes Menzilović i Nermin Mehić.

Po zaključenju rasprave vijećnici su sa 26 glasova „ZA“, bez glasova „PROTIV“ i bez glasova „UZDRŽAN“ usvojili Izveštaj o radu JU Muzej Grada Zenice u 2019. godini.

### **TAČKA SEDMA**

#### **- Izveštaj o radu JU Bosansko narodno pozorište Zenica za 2019. godinu**

Nije bilo potrebe za uvodnim napomenama.

U raspravi su učestvovali vijećnik Namir Škaljo i Fuad Kasumović, gradonačelnik. Na pitanje vijećnika Namira Škalje odgovorila je Sumea Mujkanović, pomoćnica gradonačelnika za boračko-invalidsku i socijalnu zaštitu, stambene poslove i društvene djelatnosti.

Po zaključenju rasprave vijećnici su sa 26 glasova „ZA“, bez glasova „PROTIV“ i bez glasova „UZDRŽAN“ usvojili Izveštaj o radu JU Bosansko narodno pozorište Zenica za 2019. godinu.

Na prijedlog Kluba vijećnika Zenička inicijativa - Fuad Kasumović predsjedavajući Vijeća je u 15.00 sati saopštio pauzu u trajanju 40 min. i najavio nastavak sjednice u 15.40 minuta.

### **TAČKA OSMA**

#### **- Izveštaj o radu JU Predškolski odgoj i obrazovanje Zenica u 2019. godini**

Nije bilo potrebe za uvodnim napomenama.

Izveštaj Komisije za društvene djelatnosti, boračko-invalidsku i socijalnu zaštitu dostavljen je pred sjednicu.

Za diskusiju se javio vijećnik Nermin Mehić i postavio dva pitanja na koja je odgovorila Jasmina Gasal, direktorica JU Predškolski odgoj i obrazovanje Zenica. U raspravi je učestvovao gradonačelnik dajući određena pojašnjenja.

Po zaključenju rasprave vijećnici su sa 25 glasova „ZA“, bez glasova „PROTIV“ i bez glasova „UZDRŽAN“ usvojili Izveštaj o radu JU Predškolski odgoj i obrazovanje Zenica u 2019. godini.

### **TAČKA DEVETA**

#### **- Izveštaj o radu JU Dom zdravlja Zenica za 2019. godinu**

Nije bilo potrebe za uvodnim napomenama.

Izveštaj Komisije dostavljen je pred sjednicu.

U raspravi su učesvovali vijećnici: Kenan Uzunović, Mirza Husetić i Malik Ejubović. Također, u raspravi je učestvovao gradonačelnik Fuad Kasumović, dajući pojašnjenja i postavljajući određena pitanja pomoćniku za pravne poslove JU Dom zdravlja Zenica.

Na pitanja vijećnika Kenana Uzunovića i Mirze Husetića, te pitanja gradonačelnika odgovorio je Fadil Šehidić, pomoćnik direktora JU Dom zdravlja Zenica za pravne poslove. Gradonačelnik je zatražio da mu se odgovori i u pismenoj formi.

Po zaključenju rasprave, a prije izjašnjavanja o ovoj tački dnevnog reda na zahtjev Kluba vijećnika Zenička inicijativa – Fuad Kasumović predsjedavajući Vijeća saopštio je u 16.24 sati pauzu u trajanju 5 minuta pa je sjednica nastavila s radom u 16.30 h.

Nakon pauze, vijećnici su glasanjem izjasnili o Izveštaju o radu JU Dom zdravlja Zenica za 2019. godinu, nakon čega je predsjedavajući Vijeća konstatovao da sa 11 glasova „ZA“, 3 glasa „PROTIV“ i 10 glasova „UZDRŽAN“ Izveštaj o radu JU Dom zdravlja Zenica za 2019. godinu nije usvojen.



## **TAČKA DESETA**

### **- Izvještaj o radu JU Apoteka „Zdravlje“ Zenica za 2019. godinu**

Nije bilo potrebe za uvodnim napomenama.

Izvještaj Komisije dostavljen je pred sjednicu.

U raspravi su učestvovali vijećnici: Kenan Uzunović, Malik Ejubović, Ekrem Tuka, Aida Halać, Nermin Mehić, Šerif Patković, Sanjin Aldobašić, Halil Arnaut, Elvis Alijagić i Almir Babajić, predsjedavajući Vijeća.

Na pitanja vijećnika učesnika u raspravi odgovorila je Višnja Kruškić, direktorica JU Apoteka „Zdravlje“ Zenica. U raspravi su učestvovali Fuad Kasumović, gradonačelnik i Asmir Mašić, rukovodilac službe interne revizije, dajući određena pojašnjenja.

Na traženje predsjedavajućeg vijećnici su se najprije izjasnili o Izvještaju o radu JU Apoteka „Zdravlje“ Zenica za 2019. godinu, nakon čega je predsjedavajući Vijeća konstatovao da sa 8 glasova „ZA“, 7 glasova „PROTIV“ i 12 glasova „UZDRŽAN“ Izvještaj o radu JU Apoteka „Zdravlje“ Zenica za 2019. godinu nije usvojen.

Vijećnici su se zatim izjasnili o prijedlogu dva zaključka proizašla iz rasprave.

Na prijedlog vijećnika Kenana Uzunovića donesen je zaključak kojim se zadužuje Služba za boračko-invalidsku i socijalnu zaštitu, stambene poslove i društvene djelatnosti da Revizorskoj komori FBIH uputi Izvještaj o reviziji finansijskih izvještaja JU Apoteka „Zdravlje“ Zenica za 2019. godinu i Izvještaj Ureda za reviziju institucija u Federaciji BiH radi očitovanja o različitim stavovima u ova dva izvještaja.

Navedeni prijedlog zaključka usvojen je sa 26 glasova „ZA“, bez glasova „PROTIV“ i bez glasova „UZDRŽAN“.

Na prijedlog vijećnika Ekrema Tuke i Kenana Uzunovića donesen je zaključak:

I Nalaže se menadžmentu i Upravnom odboru JU Apoteka „Zdravlje“ Zenica da do razmatranja izvještaja o radu JU Apoteka „Zdravlje“ Zenica za 2020. godinu, u sklopu plana i programa rada za 2021. godinu, dostave Plan sanacije kojim bi se otklonile poteškoće u poslovanju ili da predlože druge mjere za ovu javnu ustanovu.

Navedeni prijedlog zaključka usvojen je sa 26 glasova „ZA“, bez glasova „PROTIV“ i bez glasova „UZDRŽAN“.

## **TAČKA JEDANAESTA**

### **- Izvještaj o radu i poslovanju JP za upravljanje i održavanje sportskih objekata Zenica d.o.o. Zenica za period 01.01.-31.12.2019. godine**

Nije bilo potrebe za uvodnim napomenama.

U raspravi su učestvovali vijećnici: Sanjin Aldobašić, Mirza Husetić, Denan Pašalić, Mahdi Alić, Kenan Uzunović, Nermin Mehić, Aida Halać i Elvis Alijagić. U raspravi je učestvovao gradonačelnik. Na pitanja vijećnika i gradonačelnika odgovorio je Nedim Talić, direktor JP za upravljanje i održavanje sportskih objekata Zenica d.o.o. Zenica.

U toku rasprave iz tehničkih razloga predsjedavajući Vijeća saopštio je u 18.47 min pauzu u trajanju 5 minuta pa je sjednica nastavila s radom u 18.58 sati.

Po zaključenju rasprave vijećnici su se na traženje predsjedavajućeg Vijeća izjasnili glasanjem o Izvještaju o radu i poslovanju JP za upravljanje i održavanje sportskih objekata Zenica d.o.o. Zenica za period 01.01.-31.12.2019. godine i isti usvojili sa 22 glasa „ZA“, bez glasova „PROTIV“ i bez glasova „UZDRŽAN“.

### **TAČKA DVANAESTA**

#### **- Izvještaj o radu i poslovanju JP „RTV Zenica“ u 2019. godini**

Nije bilo potrebe za uvodnim napomenama.

U raspravi su učestvovali vijećnici: Kenan Uzunović, Nermin Mehić i Šerif Patković. U raspravi je učestvovao gradonačelnik. Vijećnik Šerif Patković predložio je zaključak:

I Zadužuje se menadžment, odnosno rukovodstvo Radiotelevizije Zenica da uz Izvještaj za 2020. godinu dostavi Plan aktivnosti sa programskom šemom i programske sadržaje koji će biti u interesu grada i građana grada Zenice i koji će obuhvatiti interesovanja građana po specifičnim kategorijama društva.

Vijećnici su se najprije izjasnili o Izvještaju o radu i poslovanju JP „RTV Zenica“ u 2019. godini i isti usvojili sa 21 glasom „ZA“, bez glasova „PROTIV“ i sa 4 glasa „UZDRŽAN“, a zatim o prijedlogu zaključka vijećnika Šerifa Patkovića i isti usvojili sa 25 glasova „ZA“, bez glasova „PROTIV“ i bez glasova „UZDRŽAN“.

### **TAČKA TRINAESTA**

#### **- Nacrt Odluke o organizovanju i funkconisanju zaštite od požara i vatrogastva na području grada Zenica**

Izvještaj Komisije za propise dostavljen je pred sjednicu.

Uvodne napomene za ovu tačku dnevnog reda dao je Almir Sarajlić.

U raspravi su učestvovali vijećnici: Aida Halać, Nermin Mehić, Halil Arnaut, Ekrem Tuka i Mirza Husetić. Vijećnik Ekrem Tuka predložio je da se u donošenje prijedloga predmetne odluke uključe gradske službe, direktori javnih preduzeća, predsjednici mjesnih zajednica, Ministarstvo unutrašnjih poslova i stručna lica iz oblasti protivpožarne zaštite.

Po zaključenju rasprave, vijećnici su sa 24 glasa „ZA“, bez glasova „PROTIV“ i bez glasova „UZDRŽAN“ donijeli zaključak kojim se Nacrt Odluke o organizovanju i funkconisanju zaštite od požara i vatrogastva na području grada Zenica utvrđuje i upućuje na javnu raspravu u trajanju od 30 dana.

### **TAČKA ČETRANAESTA**

#### **- Prijedlog Odluke o pristupanju izmjenama i dopunama Regulacionog plana „Mokušnice“ (skraćeni postupak)**

Nije bilo potrebe za uvodnim napomenama.

Izvještaj Komisije za propise dostavljen je pred sjednicu.

U raspravi niko nije učestvovao.

Vijećnici su sa 24 glasa „ZA“, bez glasova „PROTIV“ i bez glasova „UZDRŽAN“ usvojili Prijedlog Odluke o pristupanju izmjenama i dopunama Regulacionog plana „Mokušnice“ (skraćeni postupak).

### **TAČKA PETNAESTA**

#### **- Prijedlog Zaključka o poništenju tačke 3. člana I Zaključka o preuzimanju dijela gradskog građevinskog zemljišta broj: 01-23-26317/00-1 od 06.11.2000. godine**

Nije bilo potrebe za uvodnim napomenama.

Izvještaj Komisije za propise dostavljen je pred sjednicu.

U raspravi niko nije učestvovao.

Vijećnici su sa 24 glasa „ZA“, bez glasova „PROTIV“ i bez glasova „UZDRŽAN“ usvojili Prijedlog Zaključka o poništenju tačke 3. člana I Zaključka o preuzimanju dijela gradskog građevinskog zemljišta broj: 01-23-26317/00-1 od 06.11.2000. godine.



### **TAČKA ŠESNAESTA**

#### **- Prijedlog Rješenja o imenovanju Gradskog pravobranioca u Gradskom pravobranilaštvu Zenica**

Uvodne napomene za ovu tačku dnevnog reda dao je Fuad Kasumović, gradonačelnik.

U raspravi niko nije učestvovao.

Vijećnici su sa 19 glasova „ZA“, 5 glasova „PROTIV“ i bez glasova „UZDRŽAN“ usvojili Prijedlog Rješenja o imenovanju Gradskog pravobranioca u Gradskom pravobranilaštvu Zenica.

### **TAČKA SEDAMNAESTA**

#### **- Prijedlog Odluke o promjeni statusa Javnog dobra u K.O. Stranjani**

Izvještaj Komisije za propise dostavljen je pred sjednicu.

Nije bilo potrebe za uvodnim napomenama.

U raspravi niko nije učestvovao.

Vijećnici su sa 24 glasa „ZA“, bez glasova „PROTIV“ i bez glasova „UZDRŽAN“ usvojili Prijedlog Odluke o promjeni statusa Javnog dobra u K.O. Stranjani.

### **TAČKA OSAMNAESTA**

#### **- Prijedlog Rješenja o utvrđivanju prava vlasništva na građevinskom zemljištu na kojem je izgrađena zgrada bez prava korištenja radi građenja K.O. Zenica I u korist Pivić Nihade**

Nije bilo potrebe za uvodnim napomenama.

U raspravi su učestvovali vijećnici: Almir Babajić, Ekrem Tuka, Elvis Alijagić, Nermin Mehić, Malik Ejubović i Šerif Patković.

Almir Babajić, predsjedavajući Vijeća predložio je da se ova tačka povuče s dnevnog reda današnje sjednice navodeći kao razloge to što cijena predmetnog zemljišta koju je utvrdila Komisija za procjenu vrijednosti nekretnine 2017. g. nije adekvatna, s obzirom da se radi o građevinskom zemljištu koje je vrlo blizu lokaliteta „Trg rudara“ i što u periodu od 10 godina koliko je zemljište korišteno nije obračunata i naplaćena renta.

Vijećnik Malik Ejubović istakao je da Vijeće treba usvojiti određeni princip pod kojim uslovima i u kojim situacijama će legalizirati objekte izgrađene na građ. zemljištu bez prava korištenja.

Gradonačelnik se saglasio s prijedlogom predsjedavajućeg Vijeća, te zatražio da se Vijeće izjasni o povlačenju tačke dnevnog reda s obzirom da je otvorena rasprava o istoj.

Vijeće je sa 21 glasom „ZA“, bez glasova „PROTIV“ i bez glasova „UZDRŽAN“ prihvatilo prijedlog Gradonačelnika za povlačenje Prijedloga Rješenja o utvrđivanju prava vlasništva na građevinskom zemljištu na kojem je izgrađena zgrada bez prava korištenja radi građenja K.O. Zenica I u korist Pivić Nihade s dnevnog reda 5. sjednice GV Zenica.

### **TAČKA DEVETNAESTA**

#### **- Prijedlog Odluke o izmjenama i dopuni Odluke o pristupanju izradi Urbanističkog plana općine Zenica za period 2014.-2034. godine**

Nije bilo potrebe za uvodnim napomenama.

Za diskusiju se javio vijećnik Kenan Uzunović.

Vijećnici su sa 22 glasa „ZA“, bez glasova „PROTIV“ i bez glasova „UZDRŽAN“ usvojili Prijedlog Odluke o izmjenama i dopuni Odluke o pristupanju izradi Urbanističkog plana općine Zenica za period 2014.-2034. godine.

#### **TAČKA DVADESETA**

##### **- Prijedlog Odluke o utvrđivanju javnog interesa za izgradnju lokalnog puta Briznik-Mošćanica**

Nije bilo potrebe za uvodnim napomenama.

Za diskusiju se javio vijećnik Namir Škaljo i postavio pitanje na koje je odgovorio Fuad Kasumović, gradonačelnik.

Vijećnici su sa 21 glasom „ZA“, bez glasova „PROTIV“ i bez glasova „UZDRŽAN“ usvojili Prijedlog Odluke o utvrđivanju javnog interesa za izgradnju lokalnog puta Briznik-Mošćanica.

#### **TAČKA DVADESETPRVA**

##### **- Program rada Gradskog vijeća Zenica za period 01.01.-31.12.2021. godine**

Nije bilo potrebe za uvodnim napomenama.

U raspravi su učestvovali vijećnici: Kenan Uzunović, Šerif Patković i Almir Babajić i predložili dodatne teme za Program rada Gradskog vijeća u 2021. godini. U raspravi je učestvovao gradonačelnik, dajući određena pojašnjenja.

Po zaključenju rasprave vijećnici su sa 20 glasova „ZA“, bez glasova „PROTIV“ i bez glasova „UZDRŽAN“ donijeli zaključak o utvrđivanju Nacrta Programa rada Gradskog vijeća Zenica za period 01.01.-31.12.2021. godine i upućivanju istog u javnu raspravu u trajanju 10 dana.

#### **TAČKA DVADESETDRUGA**

##### **- Prijedlog Rješenja o imenovanju Drugostepene komisije za rješavanje po žalbi protiv rješenja u prvostepenom upravnom postupku**

Gradonačelnik je povukao ovu tačku dnevnog reda radi dorade.

#### **TAČKA DVADESETTREĆA**

##### **- Prijedlog Zaključka o izmjeni Zaključka o osnivanju skloništa za životinje za teritoriju Grada Zenica**

Uvodne napomene za ovu tačku dnevnog reda dao je Fuad Kasumović, gradonačelnik.

Za diskusiju se javila vijećnica Aida Halać i predložila sljedeći zaključak:

I Traži se da svi javni pozivi i potpisivanje ugovora sa budućim upraviteljem azila budu transparentni, da rad azila bude javan i transparentan i da se u dane vikenda organizuju dani otvorenih vrata za sve građane koji žele doći posjetiti azil.

Vijećnici su se najprije izjasnili o Prijedlogu Zaključka o izmjeni Zaključka o osnivanju skloništa za životinje za teritoriju Grada Zenica i isti usvojili sa 23 glasa „ZA“, bez glasova „PROTIV“ i bez glasova „UZDRŽAN“, a zatim o prijedlogu zaključka vijećnice Aide Halać i isti usvojili sa 23 glasa „ZA“, bez glasova „PROTIV“ i bez glasova „UZDRŽAN“.

#### **TAČKA DVADESETČETVRTA**

##### **- Prijedlog Odluke o izmjenama Odluke o plaćama i naknadama plaća zaposlenika gradskih organa Zenica**

Nije bilo potrebe za uvodnim napomenama.

U raspravi niko nije učestvovao.

Vijećnici su sa 23 glasa „ZA“, bez glasova „PROTIV“ i bez glasova „UZDRŽAN“ usvojili Prijedlog Odluke o izmjenama Odluke o plaćama i naknadama plaća zaposlenika gradskih organa Zenica.



Sjednica je zaključena i završila s radom u 20.40 minuta.

Sastavni dio ovog zapisnika čini audiozapis, pohranjen u Stručnoj službi Gradskog vijeća, na osnovu kojeg vijećnici mogu ostvariti uvid u diskusiju sa sjednice Vijeća.

PREDSJEDAVAJUĆI  
GRADSKOG VIJEĆA ZENICA

Almir Babajić  
